



經義集要
目錄



稼軒長短句卷之四

歷城辛棄疾湯著

大梁李濂批評

歷城王詔校刊

滿江紅

建康史帥致道席上賦

李評曰佳作

鵬翼垂空笑人世蒼然無物又還去九重深處予

山立袖裡珍奇光五色。他年要補天西北。且歸來談笑護長江。波澄碧。佳麗地。文章伯。金縷唱。紅牙拍。看尊前飛下。日邊消息。料想寶香熏閣夢。依然畫舫清溪笛。待如今端的約鍾山。長相識。

中秋寄遠

李評曰多情語

快上西樓怕天教浮雲遮月。但喚取玉纖橫管一聲吹裂。誰做冰壺涼世界。最憐玉斧脩時節。問嫦娥孤處有愁無。應華髮。雲液滿瓊杯滑。長袖舞清歌咽。嘆十常八九。欲磨還缺。但願長圓如此夜。人情未必看承別。把從前離恨。總包藏歸時說。

中秋

美景良辰美只是可人風月。况素節揚輝。長是十分清徹。着意登樓瞻玉兔。何人張幙遮銀闕。倩飛廉特得為吹開。憑誰說。弦與望。從圓缺。今與昨。何區別。羨夜來把手。桂花堪折。安得便登天柱上。從容陪伴。酬佳節。更如今不聽塵談清。愁如髮。

暮春

李評曰以下三闋並寫盡春歸情與可謂富於打藻者矣

點火櫻桃。照一架茶蘼如雪。春正好見龍孫穿破紫
蒼蒼壁乳燕引雛飛力弱流鶯喚友嬌聲怯問春歸
不肯帶愁歸腸千結層樓望春山疊家何在烟波
隔把古今遺恨向他誰說蝴蝶不傳千里夢子規叫
斷三更月聽聲聲枕上勸人歸歸難得

又

可恨東君把春去春來無迹便過眼等閑輸了三分
之一晝永暖翻紅杏雨風清扶起垂楊力更天涯若

草最關情烘殘日湘浦岸雨塘驛恨不盡愁如織

算年年辜負對他寒食便恁歸來能幾許風流早已
非疇昔凭盡欄一線數飛鴻沉空碧

又

家住江南又過了清明寒食花徑裡一番風雨一番
狼藉紅粉暗隨流水去園林漸覺清陰密美年年落
盡刺桐花寒無力庭院靜空相憶無說處閑愁極
怕流鶯乳燕得知消息尺素如今何處也綠雲依舊
無踪跡謾教人羞去上層樓平蕪碧

蕪州席上呈太守陳李陵侍郎

李評曰總暢

落日蒼茫。風纔定。片帆無力。還記得。眉來眼去。水光山色。倦客不知身遠近。佳人已卜歸消息。便歸來。只是賦行雲。襄王客。步箇事。如何得知。有恨休重憶。但楚天特地。暮雲凝碧。過眼不如人意事。十常八九。空頭白笑。江州司馬太多情。青衫濕。

賀王帥宣平湖南寇

李評曰三闖皆壯烈可誦

銘鼓歸來。舉鞭問。何如諸葛。人道是。匆匆五月。渡瀘深入。白羽生風。貌虎譟。青溪路斷。鼙鼙泣。早紅塵。一騎落平岡。捷書急。三萬卷。龍頭客。渾未得。文章力。把詩書。馬上笑驅鋒鏑。金印明年如斗大。貂蟬却自兜鍪出。待刻公勲業。到雲霄。活溪石。

又

漢水東流。都洗盡。髭胡膏血。人盡說。君家飛將。舊時英烈。破敵金城雷過耳。談兵玉帳冰生頰。想王郎結髮賦從戎。傳遺業。腰間劍。聊彈鋏。尊中酒。堪爲別。

况故人新擁漢壇旌節。馬革裹屍當自誓。蛾眉伐性
休重說。但從今記取楚臺風。更樓月

江行簡楊濟翁周顯先

李評曰：此詞俱佳，可以傳矣。

過眼溪山。恁都是舊時曾識。還記得夢中行遍江南
江北。佳處徑須携杖去。能消幾兩平生役。笑塵勞三
十九年非。長為客。吳楚地。東南圻。英雄事。曹劉敵。
被西風吹盡了無塵跡。樓觀甫成人已去。旌旗未卷
頭先白。嘆人生哀樂轉相尋。今猶昔

又

敲碎離愁。紗窓外風搖翠竹。人去後吹簫聲斷。倚樓
人獨。滿眼不堪。三日暮。舉頭已覺千山綠。但試把一
紙寄來書。從頭讀。相思字。空盈幅。相思意。何時足。
滴羅襟。點點淚珠盈掬。芳草不迷行路客。垂楊只碍
離人目。最苦是立盡月黃昏。攔干曲

又

倦客新豐。貂裘敝征塵滿目。彈短鋏青蛇三尺。浩歌
誰續。不念英雄江左老。用之可以尊中國。嘆詩書萬

卷致君人翻沉陸。休感慨。澆醜醜。人易老。歡難足。
有玉人憐我爲簪黃菊。且置請纓封萬戶。竟須賣劍
酌黃犢。甚當年寂寞賈長沙。傷時哭。

又

風捲庭梧。黃葉墜。新涼如洗。一笑折秋英。同賞弄香
援藥。天遠難窮。休久望。樓高欲下。還重倚。拚一襟寂
寞。淚彈秋。無人會。今古恨。沉荒壘。悲歡事。隨流水。
想登樓青鬢。未堪憔悴。極目煙橫山數點。孤舟月淡。
八千里對。神娥從此。話離愁。金尊裡。

冷泉亭

李評曰佳

直節堂堂。看夾道冠纓拱立。漸翠谷群仙來下。珮環
聲急。誰信天鋒飛墮地。傍湖千丈開青壁。是當年玉
斧削方壺。無人識。山水潤。琅玕濕。秋露下。瓊珠滴。
向危亭橫跨。玉淵澄碧。醉舞且搖鸞鳳影。浩歌莫遣
魚龍泣。恨此中風物本吾家。今爲客。

再用前韻

李評曰亦佳

照影溪梅。悵絕代佳人獨立。便小駐、雍容千騎。羽觴
飛急。琴裡新聲風響珮。筆端醉墨鴉棲壁。是使君文
雅舊知名。今方識。高欲臥。雲還濕。清可漱。泉長滴。
快晚風吹帽。滿懷空碧。寶馬嘶歸紅旆動。龍團試水
銅瓶泣。怕他年重到。路應迷。桃源客。

席間和洪景廬舍人兼司馬漢章大監

李評曰醞藉

天與文章。看萬斛龍文筆力。聞道是、二詩曾換。千金
顏色。欲說又休新意思。強啼偷笑真消息。笑人人合

與共乘鸞。鷺坡客。

傾國難再得。遂可恨。遷堪憶。

看書尋舊錦。衫裁新碧。鷺踪一春花裡活。可堪風雨
飄紅白。問誰家。却有燕歸梁。香泥濕。

送湯朝美司諫自汴歸金壇

李評曰妙絕

漳雨蠻煙。十年夢尊前休說。春正好。故園桃李。待君
花發。兒女燈前和淚拜。鷄豚社裡歸時節。看依然舌
在齒牙牢。心如鐵。活國手。封侯骨。騰汗漫。排閭闔。
待十分做了詩書勲業。當日念君歸去好。而今却恨

中年別笑江頭明月更多情。今宵缺。

送李正之提刑入蜀

李評曰壯哉

蜀道登天一杯送繡衣。行客還自嘆中年多病不堪
離別。東北看騰諸葛表。西南更草相如檄。把功名收
拾付君侯。如椽筆。兒女泪。君休滴。荆楚路。吾能識。
要新詩。準備廬山山色。赤壁磯頭千古浪。銅鞮陌上
三更月。正梅花萬里雪深時。須相憶。

送信守鄭舜舉被召

湖海平生笑不負。蒼髯如戟。聞道是使君着意。太平
長策。此老自當兵十萬。長安正在天西北。便鳳凰飛
詔下天來。催歸急。車馬路。兒童泣。風雨暗。旌旗濕。
看野梅官柳。東風消息。莫向蔗庵追笑語。只今松竹
無顏色。問人間誰管別離愁。杯中物。

和楊民瞻送佑之弟還侍浮梁

塵土西風便無限。淒涼行色。還記取明朝應恨。今宵
輕別。珠淚爭垂華燭暗。馬行欲斷哀箏切。看扁舟幸
自溢清溪。休催發。白石路。長亭側。千樹柳。千絲結。

怕行人西去。掉歌聲闕。黃卷莫教詩酒污。玉階不信
仙凡隔。但從今伴我又隨君。佳哉月

遊南巖和范先之韻

李評曰音思翩翩

笑拍洪崖問千丈。翠巖誰削。依舊是西風白鳥。北村
南郭。似整復斜僧屋亂。欲吞還吐林煙薄。覺人間萬
事到秋來。都搖落。呼斗酒。回君酌。更小隱。尋幽約。
且丁寧。休負北山猿鶴。有鹿從渠求鹿夢。非魚定未
得魚樂。正仰看飛鳥却應人。回頭錯

和范先之雪

李評曰佳

天上飛瓊畢竟向人間。情薄。還又跨玉龍歸去。萬花
播落。雲破林梢添遠岫。月明屋角分層閣。記少年駿
馬。走韓盧。掀東郭。吟凍馬。啣飢鵲。人已老。歡猶昨。
對瑤華滿地。與君酬酢。最愛霏霏迷遠近。都收擾擾
還空闊。待羔兒飲罷。又烹茶。楊州鶴

病中俞山甫教授訪別病起寄之

李評曰佳甚

曲几團蒲記。方丈君來問疾。更夜雨匆匆別去。一杯
南北。萬事莫侵閑鬢髮。百年正要佳眠食。最難忘此
語重殷勤。千金值。西崦路。東巖石。携手處。今塵迹。
望東來。猶有舊盟如日。莫信蓬萊風浪。隔垂天。自有
扶搖力。對梅花。一夜苦相思。無消息。

餞鄭衡州厚卿席上再賦

李評曰亦佳

莫折荼蘼且留取。一分春色。還待得青梅如豆。共伊
同摘。少日對花渾醉夢。而今醒眼看風月。恨牡丹笑

我倚東風頭如雪。

榆莢。綠。蒲葦。時節。換繁華。吹

簌。怎禁風雨。怎禁鷓鴣。老冉冉兮。花共柳。是栖栖者。
蜂和蝶。也不因春去。有閑愁。因離別。

送徐行仲撫幹

李評曰縱橫遊戲無不中度美哉詞也

絕代佳人曾一笑。傾城傾國。休更嘆舊時青鏡。而今
華髮明日。伏波堂上客。老當益壯。翁應說。恨苦遭鄧
禹笑人來。長寂寂。詩酒社。江山筆。松菊徑。雲烟屐。
怕一觴一詠。風流絃絕。我夢橫山孤鶴去。覺來却與

君相別。記功名萬里。要吾身佳。眠食

又

紫陌飛塵。望十里雕鞍繡轂。春未老。已驚臺榭。瘦紅肥綠。睡雨海棠猶倚醉。舞風楊柳難成曲。問流鶯能說故園無。曾相熟。巖泉上。飛鳧浴。巢林下。棲禽宿。恨荼蘼開晚。謾翻紅玉。蓮社豈堪談昨夢。蘭亭何處。尋遺墨。但羈懷空自倚。鞦韆無心蹴。

盧國華由閩憲移漕建安陳端仁給事同諸公餞別余為酒困臥清涂堂上三鼓方醒國

華賦詞留別席上和韻清涂始仁堂名也

李許曰信手拈來頭頭是道

宿酒醒時。笑只有清愁而已。人正在清涂堂上。月華如洗。紙帳梅花歸夢。覺簾羨鱸膾。秋風起。問人生得意幾何時。吾歸矣。君若問相思事。料長在歌聲裡。這情懷。只是中年如此。明月何妨千里隔。顧君與我如何耳。向尊前重約。幾時來。江山羨

和盧國華

漢節東南。看駟馬光華周道。須信是七閩。還有福星

來到庭草自生心意足。榕陰不動秋光好。問不知何處著君侯。蓬萊島。還自笑。人今老。空有恨。紫懷抱。記江湖十載。厭持旌纛。渡落我材無所用。易除殆類無根潦。但欲搜好語。謝新詞。羞瓊報。

山居即事

李評日

幾箇輕鷗來點破。一泓澄綠。更何處一雙鷓鴣。故來爭浴。細讀離騷。還痛飲。飽看脩竹。何妨肉。有飛泉。日共明珠。五千斛。春雨滿。秧新穀。閑日永。眠黃犢。看雲連麥隴。雪堆蠶簇。若要足時。今足矣。以爲未足。

何時之被野老相扶入東園。把熟

和傅巖叟香月韻

李評日奇哉

半山佳句。最好是吹香隔屋。又還恠冰霜側畔。蜂兒成簇。更把香來薰了月。却教影去斜侵竹。似神清骨冷。住西湖。何由俗。根老大。穿坤軸。枝夭嫵。蟠龍斛。快酒兵長俊。詩壇高築。一再人來風味惡。兩三杯後。花綠熟。記五更聯句。失彌明。龍御燭。

壽趙茂嘉郎中前章記兼濟倉事

李評曰壽詞如此者絕少

我對君侯。恠長見兩眉陰德。還夢見玉皇金闕。姓名
仙籍。舊歲炊煙渾欲斷。被公扶起千人活。笑胸中除
却五車書。都無物。山左右。溪南北。花遠近。雲朝夕。
看風流杖履。蒼髯如戟。種柳已成陶令宅。散花更滿
維摩室。勸人間且住五十年。如金石。

呈趙晉臣敷文

李評曰佳

老子平生原自有金駮華屋。遂又要萬間寒士眼前

突兀。一舸歸來。輕似葉。兩翁相對。頂如鵠。到如今吾
亦愛吾廬。多松菊。人道是荒年。穀還又似豐年。玉
甚等閑。却爲鱸魚歸速。野鶴溪邊。留杖履。行人牆外
聽絲竹。問近來風月幾篇詩。三千軸。

游清風峽和趙晉臣敷文韻

李評曰落筆便奇

兩峽斬巖。問誰占清風舊築。滿眼雲來鳥去。澗紅山
綠。世上無人供笑傲。門前有客休迎肅。怕淒涼無物
伴君時。多栽竹。風采妙。凝冰玉。詩句好。餘膏馥。嘆

只今人物一變應足。人似秋鴻無定住。事如飛彈須
圓熟。笑君侯陪酒。又陪歌。陽春曲。

木蘭花

席上送張仲固帥興元

李評曰佳

漢中開漢業。問此地是耶非。想劍指三秦。君王得意
一戰東歸。興亡事。今不見。但山川滿目。淚沾衣。落日
胡塵未斷。西風塞馬空肥。一篇書是帝王師。小試
去征西。更草草離筵。匆匆去路。愁滿旌旗。君思我回

首處正江涵。秋影鴈初飛。安得車輪。角不堪帶減

腰圍

滁州送范倅

李評曰亦佳

老來情味減。對別酒怯流年。况屈指中秋。十分好月
不照人圓。無情水都不管。共西風。只管送歸舡。秋晚
尊鱸江上。夜深兒女燈前。征衫便好去朝天。玉殿
正思賢。想夜半承明。留教視草。却遣籌邊。長安故人
問我道。愁腸殢酒。只依然。目斷秋霄落鴈。醉來時響

空絃

題上饒州圃翠微樓

李評曰亦佳

舊時樓上客。愛把酒對南山。笑白髮如今。天教放浪
來往其間。登樓更誰念我。却回頭西北望。層欄雲雨
珠簾盡棟。笙歌霧鬢風鬟。近來堪入畫圖看。父老
願公懽。甚挂笏悠然。朝來爽氣。正爾相關。難忘使君
後便。一花一草報平安。與客携壺且醉。鴈飛秋影江
寒。

寄題吳克明廣文菊圃

李評曰更妙

路傍人恠問。此隱者姓陶不。甚蕃菊如雲。朝吟暮醉
喚不回頭。縱無酒成悵望。日東籬搔首亦風流。與客
朝餐一笑落。英飽便歸休。古來堯舜有巢由。江海
去悠悠。待說與佳人種。成香草。莫怨靈脩。我無可無
不可。意先生出處。有如丘。聞道問津人。過殺鷄爲黍
相留。

卷之五
終

稼軒長短句卷之五

歷城辛棄疾湯著

大梁李濂批評

歷城王詔校刊

水龍吟

旅次登樓作

李評曰婉約

楚天千里清秋。水隨天去。秋無際。遙岑遠目。獻愁供

恨。玉簪螺髻。落日樓頭。斷鴻聲裡。江南游子。把吳鉤
看了。攔干拍徧無人會。登臨意。休說鱸魚堪鱸。儘
西風季鷹歸未。求田問舍。怕應羞見。劉郎才氣。可惜
流年。憂愁風雨。樹猶如此。倩何人喚取。紅巾翠袖。搵
英雄淚。

甲辰歲壽韓南澗尚書

渡江天馬南來。幾人真是經綸手。長安父老。新亭風
景。可憐依舊。夷甫諸人。神州沉陸。幾曾回首。美平戎
萬里功名。本是真儒事。公知否。况有文章。山斗對

桐陰滿庭。清晝當年墮地而今。試看風雲奔走。綠野
風煙。平泉草木。東山歌酒。待他年。整頓乾坤事了。爲
先生壽。

次年南澗用韻爲僕與公生日相去一日再

和以壽南澗

玉皇殿閣微涼。看公重試薰風手。高門畫戟。桐陰聞
道。青青如舊。蘭佩空芳。蛾眉誰妬。無言搔首。甚年年
却有呼韓塞上。人爭問公安否。金印明年如斗。向
中州錦衣行畫。依然盛事。貂蟬前後。鳳麟飛走。富貴

浮雲。我評軒冕不如杯酒。待從公痛飲八千餘歲伴
莊椿壽。

盤園任子嚴安撫挂冠得請客以高風名其
堂書來索詞爲賦

斷崖千丈孤松挂冠更在松高處平生袖手故應休
矣功名良苦笑指兒曹人間醉夢莫噴驚汝問黃金
餘幾旁人欲說田園記君推去嘆息蘇舊隱對先
生竹牕松戶一花一草一觴一詠風流杖履野馬塵
埃扶搖下視蒼然如許恨當年九老圖中忘却花盤

園林路

寄題京口范南伯知縣家文官花白次緋
次紫唐會曼載學士院有之

李評曰有佳句

倚欄看碧成珠等閒褪了香袍粉上林高選匆匆又
換紫雲衣濕幾許春風朝薰暮染爲花忙損笑推家
桃李東塗西抹有多少淒涼恨擬倩流鶯說與記
榮華易消難整人間得意千紅萬紫轉頭春盡白髮
憐君儒冠曾恨平生官冷笑風流未減年年醉裡把

花枝問

題兩巖巖類今所畫觀音普陀巖中有泉飛
出如風雨聲

李評曰奇作

普陀大士虛空翠巖記取飛來處蜂房萬點似穿如
碍玲瓏窻戶石髓千年已垂未落嶙峋冰柱有怒濤
聲遠落花香在人疑是桃源路又說春雷鼻息是
卧龍彎環如許不然應是洞庭張樂湘靈來去我意
長松倒生陰壑細吟風雨竟茫茫未曉只應白髮是

關山祖

瓢泉

李評曰善用古語

稼軒何必長貧放泉簷外瓊珠瀉樂天知命古來誰
會行藏用舍人不堪憂一瓢自樂賢我回也料當年
嘗問飯蔬食飲水何為是栖栖者且對浮雲山上
莫匆匆去流山下蒼顏照影故應零落輕裘肥馬送
齒冰霜滿懷芳乳先生飲罷笑掛瓢風樹一鳴渠碎
問何如啞

用瓢泉韻戲仁和兼諸葛元亮且督和詞

李評曰妙妙

被公驚倒瓢泉。倒流三峽。詞源瀉。長安紙貴。流傳一
字。千金爭舍。割肉懷歸。先生自笑。又何廉也。但脚杯
莫問。人間豈有。如孺子長貧者。誰識稼軒心事。似
風乎舞雩之下。回頭落日。蒼茫萬里。塵埃野馬。更想
隆中卧龍千尺。高吟纔罷。倩何人與問。雷鳴瓦釜。甚
黃鍾亞。

用紫語再韻瓢泉歌以飲客聲語甚壯謂客皆

馬之醜

李評曰奇作

聽方清珮瓊瑤步。照方鏡秋毫髮。君無去此流昏漲
賦生蓬蒿些。虎豹甘人渴而汝寧猿猴些。大而流江
海覆舟如芥。君無助狂濤些。路險方山高些。愧余獨
處無聊些。冬槽春盎。歸來爲我製松醪些。其外芬芳
團龍片鳳。煮雲膏些。古人方既往。嗟余之樂樂簞瓢
些。

過南澗雙溪樓

李評曰佳甚

舉頭西北浮雲倚天萬里須長劍。人言此地夜深長
見斗牛光焰。我覺山高潭空水冷。月明星淡。待燃犀
下看。凭欄却怕。風雷怒。魚龍慘。峽東蒼江對起。過
危樓欲飛還歛。元龍老矣。不妨高卧。冰壺涼簟。千古
興亡。百年悲笑。一時登覽。問何人。又卸片帆沙岸。繫
斜陽纜。

愛李延年歌淳于髡語今爲詞庶幾高唐神
女洛神賦之意云

李評曰奇妙之詞

昔時曾有佳人。翩然絕世而獨立。未論一顧傾城再
顧。又傾人國。寧不知其傾城傾國。佳人難再得。看行
雲行雨。朝朝暮暮。陽臺下。襄王側。堂上更闌燭滅。
記主人留髻送客。合尊促坐。羅襦襟解。微聞薝澤。當
此之時。止乎禮義。不淫其色。但啜其泣矣。啜其泣矣。
又何嗟及。

別傅先之提舉時先之有召命

只愁風雨重陽。思君不見令人老。行期定否。征車幾

輜去程多少。有客書來長安却早。傳聞追詔問歸來。何日。君家舊事。直須待爲霖了。從此蘭生蕙長。吾誰與玩茲芳草。自憐拙者功名相避去。如飛鳥。只有良朋東阡西陌。安排似巧。到如今巧處依然又拙。把平生笑。

又

李評曰佳

老來曾識淵明夢。一見參差是覺來。幽恨停觴不。柳欲歌還止。白髮西風折腰五斗。不應堪此問北窓。

高卧東籬自醉。應別有歸來意。須信此翁未死到。如今凜然生氣。吾儕心事。古今長在高山流水。富貴他年。直饒來晚也。應無味。甚東山何事。當時也道爲蒼生起。

摸魚兒

淳熙己亥自湖北漕移湖南同官王正之置酒小山亭爲賦

李評曰絕佳

更能消幾番風雨。匆匆春又歸去。惜春長怕花開早。

何况落紅無數春且住。見說道天涯芳草無歸路。怨
春不語。笑只有殷勤畫簷蛛網。盡日惹飛絮。長門
事。準擬佳期又誤。蛾眉曾有人妬。千金曾買相如賦。
脉脉此情誰訴。君莫舞。君不見玉環飛燕皆塵土。閑
愁最苦。休去倚危欄。斜陽正在煙柳斷腸處。

觀潮上葉丞相

李評曰亦佳

望飛來半空鷗鷺。須臾動地聲鼓。截江組練驅山去。
鏖戰未收貔虎。朝又暮。悄慣得吾兒不怕蛟龍怒。風

波平步。看紅旆驚飛跳魚。直上蹙踏浪花舞。憑誰
問萬里長鯨吞吐。人間兒戲千努。滔天力倦知何事。
白馬素車東去。堪恨處。人道是屬鏤怨憤千古。功名
自誤。謬教得陶朱五湖西子。一舸弄煙雨。

兩巖有石狀甚恠取離騷九歌名曰山鬼因

賦摸魚兒改名山鬼謠

問何年此山來此。西風落日無語。看君似是羲皇上。
直作太虛名汝。溪上笑只有紅塵不到。今猶古。一杯
誰舉。笑我醉呼君。崔嵬未起。山鳥覆杯去。須記取

昨夜龍湫風雨。門前石浪掀舞。四更山鬼吹燈燭。驚
倒世間兒女。依然處。還問我清遊杖屨公良苦。神交
心許。待萬里携君。鞭笞鸞鳳。送我遠遊賦。石浪卷外
三十
無大

西河

送錢仲耕自江西漕移守婺州

西江水道。是西江人淚。無情却解送行人。月明千里
從今日。日倚高樓。傷心煙樹如舊。會君難別。君易。草
木如人意。十年著破繡衣。肯得成桃李。問君可是

厭承明。東方鼓吹千騎。對梅花更消一醉。看明年
調鼎風味。老病自憐憔悴。過吾廬。定有幽人相問歲
晚淵明歸來未

永遇樂

送陳仁和自汴東歸陳至上饒之一年得子
甚喜

紫陌長安。看花年少。無限歌舞。白髮憐君。尋芳較晚
捲地驚風雨。問君知否。鴟夷載酒。不似并瓶身誤。細
思量。悲歡夢裡。覺來總無尋處。芒鞋竹杖。天教還

了千古。玉樓佳句。落魄東歸。風流贏得掌上明珠去。
起看青鏡南冠好在。拂了舊時塵土。向君道雲霄萬
里。這回穩步。

梅雪

李評曰有思致

惟底寒梅。一枝雪裡。只恁愁絕。問訊無言。依稀似姒。
天上飛英白。江上一夜瓊瑤萬頃。此段如何姒得。細
看來風流添得自家越樣標格。晚來樓上對花臨
鏡。學作半粧額。着意爭妍。那知却有人妬花顏色。無

精休問許多。且自訪梅。待行過溪橋。夜半
更邀素月。

戲賦辛字送茂嘉十二第赴調

烈日秋霜。忠肝義膽。千載家譜。得姓何年。細參辛字。
一笑君聽取。艱辛做就。悲辛滋味。總是辛酸辛苦。更
十分向人辛辣。椒桂搗殘堪吐。世間應有芳甘。濃美
不到吾家門戶。比着兒曹。纍纍却有金印光垂組。
付君此事。從今直上休憶對床風雨。但贏得鞞紋縵
面記余戲語。

檢校停雲新種杉松戲作時欲作親舊報書
紙筆偶爲大風吹去末章因及之

換老空山萬松手種政爾堪嘆何日成陰吾年有幾
似見兒孫晚古來池館雲煙草棘長使後人淒斷想
當年良辰已恨夜闌酒空人散停雲高處誰知老
子萬事不關心眼夢覺東窓聊復爾爾起欲題書簡
霎時風怒倒翻筆硯天也只教吾懶又何事催急急
雨片雲斗暗

京口北固亭懷古

詞足以後之妙妙

千古江山英雄無覓孫仲謀處舞榭歌臺風流總被
雨打風吹去斜陽草樹尋常巷陌人道寄奴曾在想
當年金戈鐵馬氣吞萬里如虎元嘉草草封狼居
胥贏得倉皇北顧四十三年望中猶記烽火揚州路
可堪回首佛狸詞下一片神鴉社鼓憑誰問庶幾老
矣尚能飯否

歸朝歡

靈山齊菴苜蒲港皆長松茂林獨野櫻花

株山上盛開照映可愛不數日風雨催敗殆
盡意有感因效介菴體爲賦且以菖蒲綠名
之丙辰歲三月三日也

李評曰含蓄不盡

山下千林花太俗。山上一枝看不足。春風正在此花
邊。菖蒲自蘸清溪綠。與花同草木。問誰風雨飄零速。
莫悲歌。夜深巖下驚動白雲宿。病怯殘年頰自卜。
老愛遺篇難細讀。苦無妙手畫於菟。人間雕刻真成
鵠。愛中人似玉。覺不更情腰如束。許多愁。問君有酒

何不日絲竹

寄題三山鄭元英巢經樓樓之側有尚友齋
欲借書者就齋中取讀書不借出

李評曰佳

萬里康成西支蜀。藥市船歸書滿屋。有時光彩射星
躔。何人汗簡讎天祿。好之寧有足。請看良賈藏金玉。
記斯文千年未喪。四壁聞絲竹。試問辛勤携一束。
何以牙籤三萬軸。古來不作借人癡。有朋只就芸窓
讀。憶君清夢熟。覺來笑我便便腹。倚危樓。人間誰爲

補地八風曲

題趙晉臣敷文積翠巖

李評曰亦佳

我笑共工緣底怒。觸斷我天一柱。補天又笑女媧忙。却將此石投閑處。野煙荒草路。先生拄杖來看汝。倚蒼苔摩挲試問。千古幾風雨。長被兒童敲火苦。時有牛羊磨角去。霍然千丈翠巖屏。鏘然一滴甘泉乳。結亭三四五。會相暖熱攜歌舞。細思量古來寒士。

適有雨

丁卯歲寄題眉山李參政石林

見說岷峨千古雪。都作岷峨山上石。君家右史老泉公。千金未盡勤收拾。一堂真石石。閑庭更與天突兀。記當時長編筆硯。日日雲煙濕。野老時逢山鬼泣。誰夜持山去。難覓有人依樣入。明光玉堦之下。巖巖立琅玕無數碧。風流不數平泉物。欲重吟青葱玉樹。須倩子雲筆。

一枝花

醉中戲作

李評曰於此見辛君胸次非淺

淺者

千丈擎天手。萬卷懸河口。黃金腰下印。大如斗。更千
騎引刀揮霍。遮前後。百計千方。似聞草兒。童羸箇
他家備有。笑枉了。雙眉長皺。白髮空回首。那時閑
說向山中友。看丘隴牛羊。更辨賢愚否。且自栽花柳。
怕有人來。但只道。今朝中酒。

喜遷鶯

謝趙晉臣敷文賦芙蓉詞見壽用韻為謝

李評曰妙絕

暑風涼月。愛亭亭無數。綠衣持節。掩冉如簾。參差似
妬。擁出芙蓉花發。步襯潘娘。堪恨。貌比六郎。誰潔。添
白鷺。晚晴時。公子佳人並列。休說。攀木末。當日靈
均。恨與君王別。心阻媒勞。交踈怨極。恩不甚。兮輕絕。
千古離騷文字。至今猶未歇。都休問。但千杯快飲。露
荷翻葉。

瑞鶴仙

壽上饒倅洪莘之時攝郡事且將赴漕舉

李評曰奇而穩非老於文學者
弗能

黃金堆到斗。怎得似長年畫堂勸酒。蛾眉最明秀。向
水沉烟裡。兩行紅袖。笙歌擁就。爭說道明年時候。被
姮娥做了。慙慙仙桂一枝入手。知否。風流別駕。近
日人呼文章太守。天長地久。歲上迺翁壽。記從來人
道相門出相。金印纍纍儘有。但直須周公拜前。魯公
拜後。

賦梅

李評曰不勝清婉

鴈霜寒透幙。正護月雲輕。嫩冰猶薄。溪奩照梳掠。想

含香弄粉。艷粧難學。玉肌瘦弱。更重重龍銷襯着。倚
東風一笑。嫣然轉盼。萬花羞落。寂寞家山何在。雪
後園林水邊樓閣。瑤池舊約。鄰翁更仗誰托。粉蝶兒
只尋桃覓柳。開遍南枝未覺。但傷心冷落。黃昏數聲
畫角。

南澗雙溪樓

李評曰佳

片帆何太急。望一點須臾。去天咫尺。舟人好看客。似
三峽風濤。嵯峨劍戟。溪南溪北。正遐想幽人泉石。看

漁樵指點危樓。却羨舞筵歌席。嘆息山林鍾鼎意。
倦情遷。本無欣戚。轉頭陳迹。飛鳥外。晚烟碧。問誰憐。
舊日南樓老子。最愛月明吹笛。到而今。撲面黃塵。欲
歸未得。

聲聲慢

旅次登樓作

征埃成陣。行客相逢。都道幻出層樓。指點簷牙高處。
浪湧雲浮。今年太平萬甲。龍長淮。千騎臨秋。凭欄望。
有東南佳氣。西北神州。千古懷嵩人去。還笑我身

在楚尾。吳頭。看取弓刀。陌上車馬如流。從今賞心樂
事。剩安排。酒令詩籌。華胥夢。願年年人似舊游。

朝紅木犀

余兒時嘗入京師禁中
凝碧池因書當時所見

開元盛日。天上栽花。月殿桂影重重。十里芬芳一枝
金粟玲瓏。管絃凝碧池上。記當時風月愁儂。翠華遠
但江南草木。煙鎖深宮。只爲天姿冷澹。被西風醞
釀。徹骨香濃。枉學丹蕉葉底。偷染妖紅。道人取次裝
束。是自家香底家風。又怕是爲淒涼。長在醉中。

送上饒黃倅職滿赴調

李評曰絕妙

東南形勝。人物風流。白頭見君恨晚。便覺君家叔度。
去人未遠。長憐士元驥足。道直須別駕方展。問箇裡
待怎生銷殺。胸中萬卷。況有星辰劍履。是傳家合
在。玉皇香案。零落新詩。我欠可人消遣。留君再三不
住。便直饒萬家泪眼。怎抵得這眉間黃色一點。

隱括淵明停雲詩

李評曰古今奇作

停雲靄靄。八表同昏。盡日時雨濛濛。搔首良朋門前

平陸成江春醪。湛湛獨撫恨。彌襟閑飲東窓空。迤
恨舟車南北。欲往何從。嘆息東園佳樹。列初榮枝
葉。再競春風。日月于征。安得從席從容。翩翩何處飛
鳥。息庭柯好語。和同當年事。問幾人親友似翁。

稼軒長短句卷之六

歷城辛棄疾漫著

大梁李瀛批評

歷城王詔校刊

八聲甘州

壽建康帥胡長文給事時方閱拆紅梅之舞
且有錫帶之寵

李詩曰綽有風致

把江山好處付公來。金陵帝王州。想今年燕子依然
認得王謝風流。只用平時尊俎。彈壓萬貔貅。依舊鈞
天夢。玉殿東頭。看取黃金橫帶。是明年準擬丞相
對侯。有紅梅新唱。香陣卷溫柔。且畫堂通宵一醉待
幾今更數八千秋。公知否。邦人香火。夜半纔收。

夜讀李廣傳不能寐。因念晁楚老楊民瞻約

同居山間。戲用李廣事賦以寄之。

李評曰：必奇士，乃有奇作。

將軍飲罷夜歸來。長亭解雕鞍。恨滿陵醉尉。匆匆

不識桃李無言。射虎山橫一騎。裂石響驚弦。落魄封
侯重。歲晚田園。誰向桑麻杜曲。要短衣。匹馬移住
南山。看風流慷慨。談笑過殘年。漢開邊功名萬里。甚
當時健者也曾閒。紗窓外。斜風細雨。一陣輕寒。

雨中花慢

登新樓有懷趙昌甫徐斯遠韓仲正吳子似

楊民瞻

李評曰：起結處見老手。

舊雨常來。今雨不來。佳人懶寒誰留。幸山中芋栗。今

歲全收。貧賤交情落落。只今吾道悠悠。恠新來却見
文友離騷。詩發秦州。功名只道無之不樂。那知有
更堪憂。恁恁向兒曹。抵死喚不回頭。石卧山前認虎
蟻喧床下聞牛。爲誰西望。憑欄一餉。却下層樓。

吳子似見和再用韻爲別

李評曰更佳

馬上三年。醉帽吟鞍。錦囊詩卷長留。悵溪山舊管。風
月新收。明便關河杳杳。去應日月悠悠。笑千篇索價
未抵蒲桃五斗涼州。停雲老子有酒盈樽。琴書端

可消憂。渾未解傾身一飽。漸米牙頭心似傷。引塞馬
身如喘。月吳牛。曉天涼夜月明誰伴。吹笛南樓。

漢宮春

立春

李評曰佳

春已歸來。看美人頭上。裊裊春幡。無端風雨。未肯收
盡餘寒。年時燕子。料今宵夢到西園。渾未辦黃柑薦
酒。更傳青韭堆盤。却笑東風從此。便薰梅染楨。更
沒夢閑。閑時又來鏡裡。轉變朱顏。清愁不斷。問何人

會解連環。生怕見花開。花落朝來塞馬先還。

即事

李評曰絕妙

行李溪頭有釣車。茶具曲几團蒲。兒童認得前度過。者籃輿。時時照影。甚此身徧滿江湖。悵野老行歌不。佳。定堪與語難呼。一自東籬搖落。問淵明歲晚心。賞何如。梅花政自不惡。曾有詩無。知翁止酒待重教。蓮社人。古空悵望風流已矣。江山特地愁余。

會稽蓬萊閣懷古

李評曰悲歌慷慨

秦望山頭。看亂雲急雨。倒立江湖。不知雲者為雨。雨者雲乎。長空萬里。被西風變滅。須臾回首。聽月明天。籟人間萬竅號呼。誰向若耶溪上。倩美人西去。麋鹿姑蘇。至今故國人望。一舸歸歟。歲云暮矣。問何不鼓瑟吹竽。君不見王亭謝館。冷煙寒樹。啼鳥。

會稽秋風亭觀雨

李評曰佳

亭上秋風記。去年嫋嫋。曾到吾廬。山河舉目雖異。風

景非殊。功成者去。覺團扇便與人疎。吹不斷斜陽。依舊茫茫。禹跡都無。千古茂陵猶在。甚風流章句。解擬相如。只今木落江冷。眇眇愁余。故人書報。莫因循。忘却尊鱸。誰念我新涼燈火。一編太史公書。

荅李兼善提舉和章

李評曰此老每到和章便出詩語誦之令人灑然

心似孤僧。更茂林脩竹。山上精廬。維摩定自非病。誰遣文殊。白頭自惜。嘆相逢語密情疎。傾蓋處論心一語。只今還有公無。最喜陽春妙句。被西風吹墮金

玉鏗如。夜來歸夢。江上父老歡余。挾花深處喚兒童。吹火烹鱸。歸去也。絕交何必更脩山巨源書。

荅吳子似總幹和章

遠則青雲。便玉堂金馬。窮則茅廬。逍遙小大自適。鷗鷺何殊。君如星斗。燦中天密密踈踈。荒草外。自憐螢火清光。暫有還無。千古羣鷹猶在。向松江道我問訊何如。白頭愛山下去。翁定嗔余。人生謾爾。豈食魚必膾之鱸。還自笑君詩頗覺胸中萬卷藏書。

滿庭芳

和丞相景伯韻

李評曰古今絕唱

傾國無媒入宮見妬。古來顰損蛾眉。看公如月光彩。衆星稀。袖手高山流水。聽群蛙鼓吹荒池。文章手。直須補袞。藻火燦宗彝。癡兒公事了。吳蠶纏繞。自吐餘絲。幸一枝麤穩。三徑新治。且約湖邊風月。功名事。欲使誰知。都休問英雄千古。荒草沒殘碑。

和洪丞相景伯韻呈景盧內翰

李評曰以下三闕皆佳

急管哀絃長歌悽舞。建如十樣官。負不堪紅紫風雨。曉稀稀。惟有楊花飛絮。依舊是萍湖芳池。餘曠在青。亂快剪。插遍古銅彝。誰將春色去。鸞膠難覓。絃斷蛛絲。恨牡丹多病也。費醫治。夢裡尋春不見。空斷腸。怎得春知。休惆悵。一觴一味。須刻石軍碑。

游豫章東湖再用韻

柳外尋春花邊得句。惟公喜氣軒眉。陽春白雪清唱。古今稀。曾是金鑿舊客。記鳳凰獨遶天池。揮毫罷。顏有喜。催賜尚方藥。公在詞掖嘗拜尚方實景之賜只今江山遠。鈞

云夢覺清泪如絲。笑除非痛把酒療花治。明日五湖
佳興扁舟去。一笑誰知。溪堂好且拚一醉。倚杖讀韓

碑堂記公
所製也

和章泉趙昌父

西崦斜陽東江流水。物華不爲人流。崢然一葉天下
已知秋。屈指人間得意。問誰是騎鶴揚州。君知我從
來雅興未老已滄洲。無窮身外事。百年能幾一
秋休。恨兒曹抵死。謂我心憂。况有滄山。屢屢沈
沈。海上有

六么令

用陸氏事送玉山令陸德隆侍親東歸吳中

李詳曰善用故事殊不見痕迹

酒群花隊。攀得短轅折。誰憐故山歸夢。千里尊
羹滑。便整松江一棹。檢點能言鴨。故人欲接醉懷
霜。橋墮地金圓醒時覺。長喜劉郎馬上肯聽詩書說。誰對
叔子風流。直把曹劉壓。更看君侯事業。不負平生學。
離腸愁怯。送君歸後。細寫茶經煮香雪。

再用前韻

倒冠一笑華髮玉簪折。陽關自來淒斷。却恠歌聲滑。
放浪兒童歸舍。莫惱比隣鴨。水連山接。看君歸興如
醉中醒夢中覺。江上吳儂問我。一一煩君說。忍使
尊酒頻空。賸欠珍珠壓。手把漁竿未穩。長向滄浪學。
問愁誰怯。可堪楊柳。先作東風滿城雪。

醉翁操

頃余從范先之求觀家譜。見其冠冕蟬聯。世
載勲德。先之甚文而好脩。意其昌未艾也。時
單慶勳。臣子孫。無見任者。余官之。先是屢詔

甄錄。元祐黨籍家。合是二者。先之應仕矣。將
告諸朝行。有日。請余作詩以贈。屬余避謗。持
此戒甚力。不得如先之之請。又念先之與余
遊八年。日從事詩酒間。意相得歡甚。於其別
也。何獨能恣然。顧先之長於楚詞。而妙於琴。
輒擬醉翁操。爲之詞以叙別。異時先之縮組
東歸。僕當年買羊沽酒。先之爲鼓一再行。以
爲山中盛事云。

長松之風。如公肯余從。山中人心。與吾子。誰同湛湛。

千里之江上有楓噫送子于望君之問兮九重女
無悅已誰適爲容不龜手藥或一朝兮所封昔與遊
兮皆童我獨窮兮今翁一魚兮一龍勞心兮忡忡噫
命時逢子之所食兮萬鍾

醜奴兒近

博山道中效李易安體

千峰雲起驟雨一霎兒價更遠樹斜陽風景怎生圖
畫青旗賣酒山那畔別有人家只消山水光中無事
過者一霎午醉醒時松窓竹戶萬千瀟洒野鳥飛

來又是一飛流萬壑共千巖華秀孤負平生弄泉
歎輕衫帽幾許紅塵還自喜濯髮滄浪依舊人生
行樂耳身後虛名何似生前一杯酒便此地結吾廬
待學淵明更手種門前五柳且歸去父老約重來問
如此青山定重來否

洞仙歌

浮石山莊。余友月湖道人何同叔之別墅也。
山巖羅浮。故以名。同叔嘗作遊山次序榜示
余。且索詞爲賦。洞仙歌以遺之。同叔頃遊羅

浮。遇一老人。龐眉幅巾。語同叔云。當有晚年之契。蓋僊云。

李評曰佳

松關桂嶺。望菁葱無路。費盡銀鈎榜。佳處帳空山。歲晚窈窕誰來。須着我醉卧石樓風雨。僊人瓊海上。握手當年笑。許君携半山去。剗疊嶂。卷飛泉。洞府淒涼。又怕先生多取。怕夜半羅浮。有時還好。長把雲烟再三遮住。

開南樓初成賦

李評曰亦佳

婆娑欲舞。恠青山歡喜。分得清溪半篙水。記平沙鷗鷺。落日漁樵。湘江上風景依然如此。東籬多種菊。待學淵明酒詩情。不相似十里漲春波。一棹歸來。只做五湖范蠡。是則是一般弄扁舟。爭知道他家有箇西子。

趙晉臣和李能伯韻屬余。同和趙以兄弟有職名爲龍詞中頗叙其盛。故末章有裂土分茅之句。

李評曰亦佳

舊交貧賤。太半成新貴。冠蓋門前幾行李。看匆匆。咄
笑爭出山來。憑誰問。小草何如遠志。悠悠今古事。得
喪乘除暮。四朝三。又何異。任掀天事業。冠古文章。有
幾箇。笙歌晚歲。况滿屋貂蟬。未爲榮。記裂土分茅。是
公家世。

丁卯八月病中作

賢愚相去。筭其間能幾差。以毫釐。縷千里。細量義利
舜跖之分。孳孳者。等是鷄鳴而起。味甘終易壞。歲

晚還君子知之。交淡如水。一餉。聚飛蚊。蚊其響如雷。深
自覺。昨非今是。羨安樂富中。泰和湯。更劇飲。無過半
醺而已。

驀山溪

停雲竹迳初成

李評曰有佳趣

小橋流水。欲下前溪去。喚起故人來。伴先生。風煙杖
屨行穿窈窕。時歷小崎嶇。斜帶水。半遮山。翠竹栽成
路。一尊遐想。剩有淵明趣。山上有停雲。看山下。濛

濛細雨。野花啼鳥不肯入詩來。遠一似笑翁詩自沒安排處。

趙昌父賦一丘一壑格律高古因效其體

李評曰善戲謔考此老之謂也

飯疏飲水。客莫嘲吾拙。高處看浮雲。一丘壑中間甚樂。功名妙手。吐也不如人。今老夫尚何堪。堪釣前溪月。病來止酒。辜負鷓鴣村。歲晚念平生。待都與鄰翁細說。人間萬事先覺者。賢乎。深雪裡一枝開春事。梅先覺。

醉中有索四時歌為賦

李評曰說盡四時行樂可相見風流醉態

長安道接老倦遊歸。七十古來稀。藕花雨濕前湖夜。桂枝風澹小山時。怎消除。須殢酒更吟詩。也莫向竹邊辜負雪。也莫向柳邊辜負月。閑過了總成癡。種花事業無人問。惜花情緒只天知。笑山中雲出早。鳥歸遲。

和楊民瞻席上用韻賦牡丹

李評曰佳甚

西園買誰載萬金歸。多病勝遊稀。風斜畫燭。天香夜涼。生翠盞酒酣時。待重尋居士譜。謫僊詩。看黃底御袍。元自貴。看紅底狀元新得意。如斗大笑花癡。漢妃翠被嬌無柰。吳姬粉陣恨誰知。但紛紛蜂蝶亂笑春遲。

送丁懷忠教授入廣渠赴調都下。久不得書。或謂從人辟置。或謂復歸閩中矣。

李評曰佳哉田也

相思苦。君與我。同心魚。淺鴈沉沉。是夢松後。追軒冕。是化鶴後。去山林。對西風。且悵望。到如今。待不飲。柰何君有恨。待痛飲。柰何君又病。君起舞。試重斟。蒼梧雲外。湘妃泪。鼻亭山下。鷓鴣吟。早歸來。流水外。有知音。

慶洪景廬內翰七十

李評曰全篇妙甚。須景廬可當此曲。

金闈芳眉壽。正如川。七十且華筵。樂天詩句香山裡。杜陵酒債曲江邊。問何如。歌窈窕。舞嬋娟。更十歲。

太公方出將。又十歲武公方入相。留盛事。看明年。直
須腰下添金印。莫教頭上欠貂蟬。向人間。長富貴。地
行儂。

聞前岡周氏旌表有期

李評曰佳哉曲也

君聽取。尺布尚堪縫。斗粟也堪舂。人間朋友猶能合。
古來兄弟不相容。棣華詩。悲二叔。吊周公。長嘆息。
春令原上急。重嘆息。言其前正泣。形則異。氣應同。周
家五世將軍後。前岡千載義居風。看明朝。丹鳳詔。紫

泥封

客有敗基者代賦梅

李評曰此老賦此調無一首不
佳者

花知否。花一似何郎。又似沈東陽。瘦稜稜地天然白。
冷清清地許多香。笑東君。還又向。北枝忙。着一陣
霎時間底雪。更一箇缺。夢兒底月。山下路。水邊墻。風
流怕有人知處。影兒守定竹旁廂。且饒他。桃李趁少
年場。

用荅韻趙晉臣敷文

花好處不趁綠衣郎。縞袂立斜陽。面皮兒上因誰白。
骨頭兒裡幾多香。儘饒他。心似鐵也須忙。甚喚得
雪來白。倒雪便喚得月來香。殺月誰立馬更窺牆。將
軍止渴山南畔。相公調鼎殿東廂。或高才。經濟地戰
爭場。

吾擬乞歸天子以田產未置止我賦此罵之

李評曰妙絕

吾衰矣須富貴何時。富貴是危機。暫忘設醴抽身去。
未曾得米棄官歸。穆先生陶縣令。是吾師。待葺箇

園兒名佚老。更作箇亭兒名亦好。閑飲酒醉吟詩。千
年田換八百主。一人口插幾張匙。嗚呼。豚奴愁產業豈
佳兒。

上西平

會稽秋風亭觀雪

李評曰詠雪如此可以傳矣

九衢中。杯逐馬。帶隨車。問誰解愛惜瓊華。何如竹外
靜聽窸窣。鱗行沙。自憐是海山頭種玉人家。紛如
鬪。嬌如舞。纔整整。又斜斜。要圖畫還我漁簑。凍吟應

笑羔兒無分謾煎茶。起來極目向彌茫。數盡歸鴉。

送杜叔高

李評曰：悽婉。

恨如新。新恨了。又重新。看天上。多少浮雲。江南好景。落花時節。又逢君。夜來風雨。春歸似欲留人。尊如海人如玉。詩如錦筆如神。能幾字。盡殷勤。江天日暮。何時重與細論文。綠楊陰裡。聽陽關。門掩黃昏。

稼軒長短句卷之六終

